



TRANSITION



ՏԵԽՆԻԿԱԿԱՆ ԱՌԱՋԱԴՐԱՆՔ

մեդիա եւ տեղեկատվական գրագիտության
ոլորտում փորձագիտական ծառայությունների
մատուցման վերաբերյալ

Բովանդակություն

| | |
|---|----------|
| 1. ՆԵՐԱԾՈՒԹՅՈՒՆ | 3 |
| Մեր մասին | 3 |
| Ծրագրի նպատակը | 4 |
| 2. ԱՇԽԱՏԱՆՔԻ ԾԱՎԱԼԸ ԵՎ ՆԵՐԿԱՅԱՑՄԱՆ ՁԵՎԸ | 4 |
| Ծրագրի բաղադրիչները | 4 |
| 3. ԱՇԽԱՏԱՆՔԻ ՇՐՋԱՆԱԿԸ | 6 |
| 4. ԱՆՅՐԱԺԵՇՏ ՈՐԱԿԱՎՈՐՈՒՄՆԵՐ ԵՎ ՀՄՏՈՒԹՅՈՒՆՆԵՐ | 8 |
| 5. ՊԱՅԱՆՁՎՈՂ ՓԱՍՏԱԹՂԹԵՐ | 8 |
| 6. ՏԵԻՈՂՈՒԹՅՈՒՆ | 9 |
| 7. ՀԱՇՎԵՏՎՈՒԹՅՈՒՆ | 9 |
| 8. ԴԻՄԵՆՈՒ ԳՈՐԾԸՆԹԱՑԸ | 10 |
| Հավելված 1. Գործողությունների ժամանակացույց | 11 |
| Հավելված 2. ՔՀԿ-ների համար առաջարկվող կարողությունների զարգացման խտացված ծրագրի ուսումնական պլան/մոդուլ | 13 |

ՏԵԽՆԻԿԱԿԱՆ ԱՌԱՋԱԴՐԱԼՔ

մեդիա և տեղեկատվական գրագիտության ոլորտում

փորձագիտական ծառայությունների մատուցման վերաբերյալ

| | |
|---|---|
| Տեխնիկական առջադրանքի նպատակ | Մեդիա և տեղեկատվական գրագիտության (ՄՏԳ) փորձագետի ներգրավում՝ քաղաքացիական հասարակության կազմակերպությունների (ԶՀ) համար կարողությունների զարգացման ծրագրի իրականացման նպատակով |
| Ծրագրի անվանում | Մեդիագրագիտության բարձրացում՝ Հայաստանի քաղաքացիական հասարակության դերակատարների միջոցով |
| Իրականացնող կազմակերպություն | «Մարդը կարիքի մեջ» ՀԿ-ի հայաստանյան ներկայացուցչություն |
| Դոնոր | Չեխիայի Հանրապետության արտաքին գործերի նախարարություն. Transition Promotion ծրագիր |
| Առաջադրանքի ժամկետը | 2024 թ. հունիս – 2025 թ. հոկտեմբեր |
| Թիրախ վայր | ՀՀ, Լոռու մարզ |
| Ծրագրի ուղղակի թիրախային խմբեր | Գրանցված քաղաքացիական հասարակության կազմակերպություններ, որոնք 2-5 տարի գործունեություն են ծավալում ՀՀ Լոռու մարզում |
| Վերջնական շահառուներ (լայն թիրախային խումբ) | 1. Լոռու մարզի բնակչությունը՝ թիրախավորելով մարզաբնակ երիտասարդներին (16-29 տարեկան) և կանանց 2. ՀՀ այլ վայրերում բնակվող անձինք |

1. ՆԵՐՎԾՈՒԹՅՈՒՆ

Մեր մասին

«Մարդը կարիքի մեջ» հասարակական կազմակերպության հայաստանյան ներկայացուցչությունը շահույթ չի ետապնդող կազմակերպություն է, որը հետևում է մարդասիրության, ազատության, հավասարության և համերաշխության սկզբունքներին: Մենք աշխատում ենք հումանիտար օգնության, մարդու իրավունքների, կրթության և սոցիալական աշխատանքի ոլորտներում:



TRANSITION



Հատուկ ուշադրություն դարձնելով քաղաքացիական հասարակությանն ու ներառական կառավարմանը՝ մենք աջակցում ենք քաղաքացիական հասարակությանը պետական կառույցների հետ համագործակցության՝ մասնակցային ժողովրդավարական գործընթացները խթանելու և ներառական հանրային ծառայությունները զարգացնելու համար:

Ծրագրի նպատակը

«Մեդիագրագիտության բարձրացում՝ Հայաստանի քաղաքացիական հասարակության դերակատարների միջոցով» ծրագրի նպատակն է նպաստել ավելի դիմակայուն, լավ տեղեկացված և քննադատաբար մտածող հասարակության ձևավորմանը Հայաստանում: Ծրագիրն ուղղված է քաղաքացիական հասարակության մեդիակոմպետենտության բարձրացմանը՝ հանգեցնելով մեդիատեղեկույթը սպառողի անաչառ հակազդեցությանը լրատվամիջոցների կողմից տարածվող ապատեղեկատվությանը և վնասակար քարոզչական շահարկումներին: Ծրագրի շրջանակում իրականացվող գործողությունները կխթանեն հանրության լայն շրջանում մեդիագրագիտության, քննադատական մտածողության և վերլուծության մակարդակի բարձրացմանը, կօգնեն տարբերակել փաստահեն տեղեկատվությունը մոլորեցնող բովանդակությունից՝ հակագործելով հանրային համախմբվածությունը խաթարող գործողություններին:

2. ԱՇԽԱՏԱՆՔԻ ԾՎԱԿԸ ԵՎ ՆԵՐԿԱՅԱՑՄԱՆ ՁԵՎԸ

Ծրագրի բաղադրիչները

Ծրագրի վերջնարդյունքին հասնելու համար իրականացվելու է երկու փոխկապակցված բաղադրիչ: Ծրագրի հայտաձևի նախապայմանների համաձայն՝ ՔՀԿ-ները միաժամանակ դիմելու են ծրագրի երկու փուլերի համար: Երկրորդ փուլի համար կդիտարկվեն միայն առաջին փուլին մասնակցող և հաջողություն գրանցած կազմակերպությունները:

Ծրագրի հիմնական բաղադրիչներն են.



TRANSITION



Բաղադրիչ 1. *ՀՀ Լոռու մարզում գործող 5 ՔՀԿ-ների (յուրաքանչյուրից երկուական ներկայացուցիչ) մեդիա և տեղեկատվական գրագիտության կարողությունների զարգացում և հզորացում:*

Կարիքների վրա հիմնված մեդիագրագիտության կարողությունների զարգացման ծրագրի նպատակն է նոր մոտեցումների կիրառմամբ բարելավել ՀՀ Լոռու մարզում գործող 5 ՔՀԿ-ների ապատեղեկատվության, քարոզչության և դավադրության տեսությունները բացահայտելու գիտելիքներն ու հմտությունները: Մասնակիցները կսովորեն քննադատաբար գնահատել տեղեկատվական աղբյուրները, ստուգել փաստերը և տարբերակել այն բոլոր նյութերը (այդ թվում՝ տեսա-լսողական), որոնք տարածում են ապակողմնորոշիչ կամ մանիպուլյատիվ տեղեկատվություն:

Աշխատարանի արդյունքում կմշակվեն նախաձեռնողական գաղափարներ՝ ուղղված տվյալ համայնքի հասարակության դիմակայունության ամրապնդմանն ապատեղեկատվական արշավների և կեղծ խոսույթների դեմ՝ ապահովելով առավել հեռավոր և դժվար հասանելի վայրերում բնակվող երիտասարդների և կանանց ներառողականությունը: Գաղափարները կգնահատվեն հատուկ ստեղծված ընտրական հանձնաժողովի կողմից և, համաձայն սահմանված չափորոշիչների, լավագույնները կընտրվեն ծրագրի երկրորդ փուլին մասնակցելու համար:

Բաղադրիչ 2. *Մրցույթի արդյունքում երկրորդ փուլ անցած 3 ՔՀԿ-ներին կտրամադրվի ենթադրամաշնորհներ մեդիագրագիտության բարձրացման գաղափարներն իրագործելու համար:*

ՔՀԿ-ների կողմից իրականացվելիք նախաձեռնությունները նպատակաուղղված են ՀՀ Լոռու մարզաբնակ առնվազն 180 երիտասարդների, կանանց և ընդհանուր բնակչության մեդիագրագիտության հմտությունների զարգացմանն ու ամրապնդմանը՝ «Մեկ աշխարհ դպրոցներում» (One World in Schools - OWIS) նորարական մոտեցման կիրառմամբ:

OWIS մեթոդաբանության հիմքում ընկած են աուդիո-վիզուալ նյութերի, հիմնականում վավերագրական ֆիլմերի ցուցադրումը և դրան հետևող՝ բաց քննարկումը, որը թույլ է տալիս բացահայտ խոսել հուզող խնդիրների կամ իրավիճակների մասին: Պատմության և աուդիո-վիզուալ փորձի համադրությունն օգնում է հանդիսատեսին կապվել գլխավոր հերոսի և ներկայացված խնդրի հետ ավելի զգացմունքային և էմպաթիկ մակարդակով, ինչը հանգեցնում է խնդիրների ավելի խորը ըմբռնմանը:



TRANSITION



OWIS մեթոդաբանությունը. «Մեկ աշխարհ դպրոցներում» /One World in Schools (OWIS) նախաձեռնությունը «Մարդը կարիքի մեջ» ՅԿ-ի մոտեցումն է՝ միտված ակտիվ քաղաքացիների հաջորդ սերունդներին կրթելուն, ովքեր մտածում են քննադատորեն, հարգում են մարդու իրավունքները և գործում են կարեկցանքով և ինքնագիտակցությամբ:

Այս ուսուցման մեթոդաբանությունը նորարարական է, որը մշակվել է Չեխիայում 2001 թվականին:

Այդ ժամանակից ի վեր այն ներդրվել է ֆորմալ և ոչ ֆորմալ ուսուցման միջավայրերում աշխարհի ավելի քան 14 երկրներում: Մեթոդաբանության հիմքում դրված է վավերագրական ֆիլմերի ցուցադրման սկզբունքը, ինչի շնորհիվ ներկայացվում են մարդու իրավունքների, ժողովրդավարական սկզբունքների, կլիմայի փոփոխության, մեդիատեղեկատվական գրագիտության և այլ կարևոր խնդիրները: Ցուցադրվող ֆիլմերը հիմք են հանդիսանում հետագա քննարկումների, վարժությունների և զգացմունքային արտացոլման համար, որոնք նպաստում են կարեկցանքի, քննադատական մտածողության և ինքնագթասրտության զարգացմանը: OWIS-ն ավելին է, քան ֆիլմերը. այն ինտեգրված մոտեցում է, որը ներառում է մի շարք գործողություններ լսարանից դուրս՝ երիտասարդների կողմից ղեկավարվող նախաձեռնություններ, երիտասարդական առաջնորդների/լրագրության մրցույթներ, ուսանողական ընտրություններ, անարդարության պատմություններ և շատ ավելին:

3. ԱՇԽԱՏԱՆՔԻ ՇՐՋԱՆԱԿ

Ծրագրում սահմանված նպատակների և առաջադրանքների պատշաճ իրագործման գործընթացն ապահովելու նպատակով ներգրավելու ենք մեդիա և տեղեկատվական գրագիտության փորձագետ՝ ընտրված ԲԿԿ-ների ներկայացուցիչների հետ համապատասխան աշխատանքներն իրականացնելու համար:

Փորձագետն իրականացնելու է հետևյալ աշխատանքները.

1. Կազմակերպել 2,5-օրյա դեմ առ դեմ ինտերակտիվ կարողությունների զարգացման դասընթաց՝ նախապես ընտրված 5 ԲԿԿ-ների համար «Մեդիա և տեղեկատվական գրագիտության կոմպետենցիաները» թեմայով:

Դասընթացի համար առաջարկվող նախնական ուսումնական պլանը ներկայացված է **Հավելված 2-ում**: Այն կարող է ճշգրտվել/փոփոխվել փորձագետի հետ քննարկումների արդյունքում: Դասընթացին կմասնակցեն նաև այլ հրավիրված փորձագետներ, որոնք կուղղորդեն մասնակիցների նախաձեռնությունների մշակումը OWIS մեթոդաբանության սկզբունքների ու գործիքների ներառմամբ:

2. Աջակցել 3 վեբինարների կազմակերպմանը՝ օրակարգերի մշակման, բանախոսների ներգրավման, ինչպես նաև միջոցառման վերաբերյալ տեղեկատվության ակտիվ տարածման



TRANSITION



հարցում: Առցանց հանդիպումներին ակնկալվում է տեղական և միջազգային անկախ ՁԼՄ-ների, հետազոտողների և ոլորտային առաջատար կազմակերպությունների ներկայացուցիչների մասնակցության ապահովումը՝ ոլորտի արդի հարցերը քննարկելու համար:

3. Իրականացնել մենթորինգի և/կամ քուլչինգի ծառայություններ ծրագրի շրջանակում դրամաշնորհի ստացած 3 ԶՀԿ-ների համար՝ գաղափարների մշակման և դրանց արդյունավետ իրագործման նպատակով: Մասնակիցներին կմատուցվի 3-5 առցանց անհատական խորհրդատվություն, մասնավորապես ուսումնամեթոդական նյութերի, ինտերակտիվ գործիքների, առցանց հարթակների և այլ հետաքրքրող հարցերի վերաբերյալ:

4. Համակարգել ԶՀԿ-ների նախաձեռնությունների համապատասխանեցումը ծրագրով սահմանված գնահատման ցուցիչներին՝ ապահովելով մասնակիցների հետ մշտական հետադարձ կապը հնարավոր թերություններն ու բացերը վերացնելու համար: Ծրագրի շրջանակում «Մարդը կարիքի մեջ» ՀԿ-ի փորձագետների կողմից կկազմակերպվի 1-օրյա դասընթաց մասնակիցների համար, որի ընթացքում կներկայացվեն իրականացվող նախաձեռնությունների մշտադիտարկման և գնահատման առաձևահատկությունները:

5. Կազմակերպել 1,5-օրյա դասընթաց/աշխատաժողով 3 ԶՀԿ-ների համար՝ իրենց մեղիատեղեկատվական նախաձեռնությունների արդյունքներին, փորձի փոխանակմանը և հետագա քայլերի իրականացման համար ապացույցների վրա հիմնված գաղափարների մշակմանն անդրադառնալու համար:

6. Աջակցել ծրագրի ամփոփիչ միջոցառման կազմակերպմանը՝ ծրագրի արդյունքներն ու հաջողված փորձը ներկայացնելու, ինչպես նաև համայնքի և քաղաքացիական հասարակության դիմակայունության բարելավման գործընթացները քննարկելու նպատակով:

7. Համագործակցել «Մարդը կարիքի մեջ» ՀԿ աշխատակիցների և այլ շահագրգիռ կողմերի հետ՝ ապահովելով ծրագրային գործողությունների կատարումը սույն տեխնիկական առաջադրանքով սահմանված պահանջների և ժամանակացույցի համաձայն: Առաջարկել և քննարկել ծրագրի թիմի հետ հրավիրյալ բանախոսների և փորձագետների հնարավոր մասնակցությունը կազմակերպվելիք վեբինարներին և դասընթացներին:

8. Ծրագրի շրջանակում կատարված աշխատանքների վերաբերյալ հաշվետվությունները (Էլեկտրոնային եղանակով) ներկայացնել սույն տեխնիկական առաջադրանքում նշված ժամկետների համաձայն (**Հավելված 1**)՝ հիմնվելով մասնակիցների

գիտելիքների նախնական և հետագա գնահատման արդյունքների և այլ դիտարկումների վրա:

4. ԱՆՅՐԱԺԵՇՏ ՈՐԱԿԱՎՈՐՈՒՄՆԵՐ ԵՎ ՀՄՏՈՒԹՅՈՒՆՆԵՐ

- Բարձրագույն կրթություն մեդիահաղորդակցության, կրթության կամ հարակից ոլորտում:
- Փորձ մեդիա և տեղեկատվական գրագիտության ուսուցման ոլորտում երիտասարդների և մեծահասակների համար տեսական և գործնական մոտեցումների կիրառմամբ:
- Փորձ կարողությունների զարգացման ծրագրերի կազմակերպման և իրականացման համար, նախընտրելի է քաղաքացիական հասարակության զարգացման համատեքստում՝ դեմ առ դեմ (offline) և հեռավար ձևաչափերով (online):
- Քոուչինգի, մենթորական կամ անհատական խորհրդատվության տրամադրման փորձը կդիտվի որպես առավելություն:
- Կազմակերպչական, ներկայացման, կապերի հաստատման և հաղորդակցման հմտությունների առկայություն:
- Հայաստանյան մեդիա դաշտի լավ իմացություն՝ տեղական համատեքստի և մարտահրավերների տեսանկյունից:
- Առաջադրանքներն ու պարտականությունները սահմանված ժամկետներում կատարելու կարողություն:
- Հայերենի և անգլերենի վարժ տիրապետում՝ գրավոր և բանավոր:

5. ՊԱՅԱՆՁՎՈՂ ՓՈՍՏԱԹՂԹԵՐ

Հետաքրքրված անձինք կարող են ներկայացնել հետևյալ փաստաթղթերը՝

- Մանրամասն ինքնակենսագրական (CV)՝ թեկնածուի որակավորման ու փորձի նկարագրով:
- Ուղեկցող նամակ, որը ներկայացնում է թեկնածուի փորձը մեդիա և տեղեկատվական գրագիտության ոլորտում, ինչպես նաև վերջինիս հասանելիության պատրաստակամությունը մինչև 18 ամիս ժամկետով՝ ներառյալ ժամանակ առ ժամանակ ՀՀ Լոռու մարզ ուղևորություններ՝ ուսուցանելու և մասնակիցների գործունեությունը մշտադիտարկելու համար:

- 2 կոնտակտային անձի տվյալներ, որոնք կարող են հաստատել նախկինում կազմակերպված նմանատիպ դասընթացների և/կամ իրականացված ծրագրերի փորձը:
- Դասընթացի մոդուլի ձևանմուշ վերը նշված թեմաների շուրջ:

6. ՏԵՌՈՂՈՒԹՅՈՒՆ

Մեդիագրագիտության փորձագետը ներգրավվածությունը 18-ամսյա ծրագրի տևողությամբ է՝ ըստ սահմանված ժամկետների (**Չավելված 1**):

7. ՀԱՇՎԵՏՎՈՒԹՅՈՒՆ

Փորձագետը հաշվետու է ծրագրի ղեկավարին, ինչպես նաև սերտորեն աշխատելու է կազմակերպության անդամների և ծրագրում ներգրավված այլ գործընկերների հետ:

Փորձագետը պատասխանատու է ծրագրի (գրավոր կամ բանավոր) հաշվետվությունների տրամադրման համար՝ ծրագրի շրջանակում գործողությունների կատարման վերաբերյալ:

Փորձագետը պետք է ներկայացնի.

- վերանայված մանրամասն ուսումնական թեմատիկ և գործնական վարժությունների պլան (մոդուլ)՝ ներառելով OWIS մեթոդաբանության մասը (հայերեն),
- ուսումնամեթոդական նյութեր (սահիկաշար (PPT), տպագիր և/կամ էլեկտրոնային նյութեր) ներկայացվող թեմաների վերաբերյալ,
- մասնակիցների գրանցման թերթիկ և միջոցառումների ընթացքում արված լուսանկարներ/տեսանյութեր,
- մասնակիցների նախնական և հետագա գնահատման լրացված թերթիկներ,
- կատարված աշխատանքների վերաբերյալ հաշվետվություններ (ըստ պահանջարկի) և վերջնական հաշվետվություն՝ հայերեն կամ անգլերեն, ինչպես էլեկտրոնային, այնպես էլ տպագիր տարբերակով (ներառյալ մոտեցումների նկարագրությունը և աշխատանքի մեթոդաբանությունը):

Այս հաշվետվությունները ներառելու են դիտարկումներ և գնահատումներ կարողությունների զարգացման ծրագրերի իրականացման, վերապատրաստման դասընթացների, խորհրդատվությունների և հարակից այլ միջոցառումների վերաբերյալ: Փորձագետը պետք է ներկայացնի վերապատրաստման դասընթացների արդյունավետությունը, մասնակից ԶԳ-



TRANSITION



ների առաջընթացը, առաջ եկած մարտահրավերները և բարելավման առաջարկությունները: Բացի այդ, հաշվետվություններում ներառվելու են մոնիթորինգի և գնահատման գործողությունների արդյունքները՝ ներառյալ ՔՀԿ-ների կողմից նոր հմտությունների կիրառումը և իրականացվող նախաձեռնությունների ազդեցությունը թիրախային լսարանի վրա: Այս հաշվետվությունները կարևոր նշանակություն ունեն ծրագրի գնահատման, նպատակներին հասնելու, առաջընթացի, մոնիթորինգի և ապագա ծրագրի պլանավորման ու որոշումների կայացման համար:

8. ԴԻՄԵՆՈՒ ԳՈՐԾԸՆԹԱՅԸ

Չետաքրքրված թեկնածուներին խնդրում ենք մինչև վերջնաժամկետը ուղարկել ինքնակենսագրականը (CV) (ոչ ավելի, քան 2 էջ), ուղեկցող նամակը և դասընթացի մոդուլային ձևանմուշը հետևյալ էլ. հասցեով. procurement.armenia@peopleinneed.net՝ հաղորդակցության թեմայի տողում նշելով «Մեդիագրագիտության բարձրացում՝ Հայաստանի քաղաքացիական հասարակության դերակատարների միջոցով»:

Դիմելու վերջնաժամկետը ս.թ. հունիսի 28-ն է:

Բոլոր որակավորված դիմորդները, անկախ սեռից և տարիքից, կարող են դիմել:



TRANSITION



Հավելված 1. Գործողությունների ժամանակացույց

| N | Սահմանված առաջադրանք | Ծառայությունների մատուցման ժամկետը |
|----|---|--|
| 1. | Իրականացնել 2,5-օրյա դեմ առ դեմ ինտերակտիվ դասընթաց/աշխատաժողով ԹՀԿ-ների համար, ներառյալ անհատական խորհրդատվություններ յուրաքանչյուր ԹՀԿ-ի հետ՝ իրենց կողմից մշակված մեդիագրագիտության նախաձեռնությունների վերաբերյալ: | Սեպտեմբեր, 2024թ. |
| 2. | Իրականացնել մենթորինգի և/կամ ֆուլչինգի ծառայություններ ծրագրի շրջանակում դրամաշնորհ ստացած յուրաքանչյուր 3 ԹՀԿ-ների համար, այդ թվում՝ 3-5 առցանց խորհրդատվություն տարբեր խնդրահարույց հարցերի դեպքում՝ ըստ անհրաժեշտության: | Նոյեմբեր-դեկտեմբեր, 2024-2025թթ. |
| 3. | Աջակցել և նպաստել երեք վեբինարների կազմակերպմանը | Սեպտեմբեր-հոկտեմբեր, 2024 թ. (1-ին տարի) |
| 4. | Համակարգել ԹՀԿ-ների նախաձեռնությունների համապատասխանեցումը ծրագրով սահմանված գնահատման ցուցիչներին | Հուլիս-օգոստոս, 2025 թ. |
| 5. | Կազմակերպել 1,5-օրյա դասընթաց/աշխատաժողով 3 ԹՀԿ-ների համար՝ իրենց մեդիատեղեկատվական նախաձեռնությունների արդյունքներին, փորձի փոխանակմանը և հետագա քայլերի իրականացման համար ապացույցների վրա հիմնված գաղափարների մշակման և անդրադառնալու համար: | Սեպտեմբեր, 2025 թ. |
| 6. | Համագործակցել «Մարդը կարիքի մեջ» ՀԿ աշխատակիցների և այլ շահագրգիռ կողմերի հետ: | Ծրագրի ողջ ընթացքում |
| 7. | Նպաստել ծրագրի շրջանակում կատարված ընթացիկ աշխատանքների վերաբերյալ հաշվետվությունների մշակմանը, մասնակիցների նախնական և հետագա գնահատմանը՝ տրամադրելով դրանց վերաբերյալ անհրաժեշտ տեղեկատվությունը: | Ծրագրի ողջ ընթացքում |



TRANSITION



| | | |
|----|--|---------------------|
| 8. | Վերջնական հաշվետվությունը օգտագործված մեթոդաբանության նկարագրի հետ միասին ներկայացնել ծրագրի թիվին | Յուլիտեմբեր, 2025թ. |
|----|--|---------------------|

Հավելված 2. ԲՀԿ-ների համար առաջարկվող կարողությունների գարգացման խտացված ծրագրի ուսումնական պլան/մոդուլ

Դասընթացի նպատակները.

1. ԲՀԿ-ներին զինել մեդիագրագիտության վերաբերյալ համապարփակ գիտելիքներով:
2. Խթանել ԲՀԿ-ների համայնքակենտրոն նախաձեռնողականությունը՝ ՀՀ Լոռու մարզի երիտասարդների և մեծահասակների մեդիագրագիտության բարձրացման նպատակով:
3. Չարգացնել քննադատական մտածողությունն ու վերլուծական հմտությունները՝ Հայաստանում ապատեղեկատվության և քարոզչության դեմ պայքարում:

Դասընթացի կառուցվածքը.

Տեւողությունը՝ 2,5 օր

Մասնակիցներ՝ նախապես ընտրված 5 քաղաքացիական հասարակության կազմակերպություններ (ԲՀԿ)

Մեթոդաբանություն՝ Ինտերակտիվ դասալսումներ, խմբային քննարկումներ, գործնական վարժություններ, դեպքերի ուսումնասիրություն և գաղափարների/ծրագրերի մշակում:

| Միջոցառման օրը | Թեմա (մոտ. տեւողությունը) |
|---|---|
| <p>Օր 1. Մեդիագրագիտության հիմունքներ</p> <p>Մաս 1</p> | <p>1. Բացում և ներկայացում (30 րոպե)</p> <ul style="list-style-type: none"> ➤ Ողջույնի խոսք, աշխատաժողովի նպատակները ➤ Մասնակիցների ներկայացում <p>2. Տեղեկատվական և մեդիագրագիտության կոմպետենցիաներ (1 ժամ)</p> <ul style="list-style-type: none"> ➤ Սահմանում և կարևորություն |

| | |
|---|---|
| | <ul style="list-style-type: none"> ➤ Հիմնական մեդիակոմպետենցիաներ. հասանելիություն, վերլուծություն, գնահատում և ստեղծում <p>3. Մեդիա դաշտը և տեղեկատվական աղբյուրները (1 ժամ)</p> <ul style="list-style-type: none"> ➤ ՉԼՄ-ների տեսակները և դրանց դերը ➤ Տեղեկատվության աղբյուրների արժանահավատության գնահատում |
| Մաս 2 | <p>4. Խոսքի ազատությունը և դրա սահմանները (1 ժամ)</p> <ul style="list-style-type: none"> ➤ Իրավական շրջանակներ և էթիկական նկատառումներ ➤ Խոսքի ազատության մարտահրավերների վերաբերյալ դեպքերի ուսումնասիրություն <p>5. Անձնական տվյալների պաշտպանություն և անվտանգություն թվային միջավայրում (1 ժամ)</p> <ul style="list-style-type: none"> ➤ Թվային գաղտնիության լավագույն փորձը ➤ Անձնական տվյալների առցանց անվտանգության ապահովման գործիքներ և տեխնիկա |
| <p>Օր 2. Ապատեղեկատվության դեմ պայքար և նախաձեռնությունների զարգացում</p> <p>Մաս 2</p> | <p>1. Ապատեղեկատվություն՝ սահմանումներ և համատեքստ (30 րոպե)</p> <ul style="list-style-type: none"> ➤ Ապատեղեկատվության տեսակները ➤ Տեղեկատվական պատերազմների և արշավների համատեքստային օրինակներ <p>2. Քարոզչական մեխանիզմներ և տեխնոլոգիաներ (30 րոպե)</p> <ul style="list-style-type: none"> ➤ Քարոզչության մեջ կիրառվող տեխնիկա ➤ Պատմական և ժամանակակից օրինակներ <p>3. ՉԼՄ-ներում ատելության և խտրականության դրդման նշաններ (30 րոպե)</p> <ul style="list-style-type: none"> ➤ Ատելության խոսքի և խտրական բովանդակության բացահայտում ➤ Իրավական և սոցիալական արձագանքներ ատելության խոսքին <p>4. Ինչպես բացահայտել, խուսափել և ստուգել ապատեղեկատվությունն ու քարոզչությունը (30 րոպե)</p> <ul style="list-style-type: none"> ➤ Կեղծ տեղեկությունների բացահայտման գործնական ռազմավարություններ |

| | |
|---|--|
| | <ul style="list-style-type: none"> ➤ Ստուգման գործիքներ և տեխնիկա, փաստերի ստուգման հարթակներ <p>Խմբային աշխատանք. փաստերի ստուգման գործիքների օգտագործում</p> |
| <p>Մաս 2 (հրավիրված մասնագետների մասնակցությամբ)</p> | <p>5. Մեդիա և տեղեկատվական գրագիտության նորարարական մոտեցումներ (30 րոպե)</p> <ul style="list-style-type: none"> ➤ Մեդիագրագիտության վերջին միտումներն ու նորամուծությունները ➤ Մեդիագրագիտության հաջողված ծրագրերի օրինակներ <p>6. Մեկ աշխարհի դպրոցներում (OWIS) մեդիագրագիտության ուսուցման նորարարական մեթոդիկա (1 ժամ)</p> <ul style="list-style-type: none"> ➤ OWIS մեթոդաբանության ներածություն ➤ Վավերագրական ֆիլմերը՝ որպես մեդիագրագիտության բարձրացման գործիք ➤ Ինչպե՞ս մոտենալ վավերագրական ֆիլմերին քննադատական մտածողության զարգացման համար (վարժություններ և մոտեցումներ) <p>7. Քննադատական մտածողություն. հարցեր տալու և վերլուծելու արվեստը՝ OWIS-ի օրինակի վրա (30 րոպե)</p> <ul style="list-style-type: none"> ➤ Քննադատական մտածողության հմտությունների զարգացում ➤ Վարժություններ հարցաքննության և վերլուծության մեջ <p>Խմբային աշխատանք. Մեդիագրագիտության նախաձեռնությունների գաղափարների մշակում (1 ժամ)</p> <p><i>Մասնակիցները կազմելու են ուղեղային գրոհի (brainstorming) խմբեր և մշակելու են իրենց մեդիագրագիտության նախաձեռնությունների գաղափարները՝ Լոռու մարզի երիտասարդների և մեծահասակների համար (փորձագետի ուղղորդմամբ)</i></p> |
| <p>Օր 3. Նախաձեռնությունների ամփոփում 7 ներկայացում (կես օր)</p> | <p>1. Նախագծերի լրամշակում՝ գաղափարների ճշգրտում (1 ժամ)</p> <ul style="list-style-type: none"> ➤ Խմբերը կատարելագործում են իրենց նախագծային գաղափարները փորձագետի աջակցությամբ՝ հաշվի առնելով կայունության և ազդեցության չափորոշիչները: <p>2. Մշակված մեդիագրագիտության գաղափարների ներկայացումներ (1 ժամ)</p> <ul style="list-style-type: none"> ➤ Յուրաքանչյուր խումբ ներկայացնում է նախաձեռնության իր գաղափարը: |

- | | |
|--|--|
| | <ul style="list-style-type: none">➤ Գործընկերների կարծիքը և փորձագետի մեկնաբանությունը:3. Փակման խոսքեր և հաջորդ քայլերի ներակայացում (30 րոպե)<ul style="list-style-type: none">➤ Հիմնական ուսուցման ամփոփում➤ Ապագա համագործակցության հնարավորություններ |
|--|--|